

# In Memory of Abdillahi Sultan (Timaade)

---

Ali Elmi Afyareh

Curadkii gabaygeenniyo  
Caaqilkii wax yiqinnee  
Carradiisa xoreeyayee  
Caddaankii la jihaadaye  
Cabdillaahi Suldaanoow!

Kii gumaysiga cayrshee  
Carrabkiisa ku dhoofshayoow  
Calankiisana siibayoow  
Cirka geeyey midkeenna  
Cabdillaahi suldaanoow!

Cilmigiisa aqoontiyo  
Codka uu ku hadlaayiyo  
Kolkuu sheekada caaniyo  
Casal kii u macaan iyo  
Cusayb kaaga dhigaayo  
Ninkii kuu cuntamaayey  
Cabdillaahi suldaanoow!

Xaaga diinka culays iyo  
Citiqaadka islaamkiyo  
Casharraduu na baraayey  
Caalinkii ku horreeyayee  
Culimadiisa jeclaa  
Cabdillaahi suldaanow.

Casriga maanta la joogiyoo  
Kolkuu caalamka eego  
Cabbiraayo aqoonta  
Isticmaaeke cambaar iyo  
Ninkii ceebta u yeelay  
Cabdillaahi suldaanoow!

Colaad laysku dhammaadiyo  
Ciidamoow iyo qayliyo  
Cashiirrooyin is jirayoo  
Caakir weyni dhex yaal  
Isagoon cid u yeedhan  
Cidda kii kala jooja  
Gabayo uu ku canaantiyo  
Xaqa kii u caddeeyey  
Caafimaadka ku beeray  
Cabdillaahi Suldaanoow!  
Doonistii calankeenniyo  
Cagaaggii orodkii iyo  
Cadceeddii kululayd iyo  
Dagaalkii cidhba gooye  
Rag cantuugada doortay  
Ragna caaqibadiisiyo  
Caruurtiisa danbeetiyo  
U cargeegtamay ciidda  
Kii cabiidsiga diiday  
Geesigaan cabsanaaynin  
Cabdillaahi Suldaanoow!

Ummaddaada cis weeyn iyo  
Cad gaaraad ku lahaydoo  
Calooshaay kugu haynoo  
Iyagoo camal khayr iyo  
Caafi kuu dalbayay  
Caddaan kuu xusayaan  
Cirroolahooda gaboobiyo  
Carruurtaa ku taqaanoo  
Taariikhdaa ku culaysoo  
Ubox cuud ka udgoon iyo  
Caleemaannu ku saarrayoo  
Cadaabkii kuma taabto oo  
Jannadii ku cayaar  
Cabdillaahi Suldaanoow!

---

**Notes**

Source: Abdi-Mahdi Warsame, *Tix Iyo Tiraab*, Malmo, Sweden, 2000.